

**3 ОКТЯБРЯ: Мученик и исповедник благоверного великаго князя
Михайла Черниговскаго и боярина его Феодора, чудотворцев.**

Вечером 2 октября

Изменяемое №1

На Господи возвах:

Стух: Изведи из темницы душу мою, исповедатися имени Твоему.

Стух: Мене ждут праведницы, дондеже воздаси мне.

Стух: Из глубины возвах к Тебе, Господи, Господи, услыши глас мой.

Стух: Да будут уши Твои внимлюще гласу моления моего.

Стух: Аще беззакония азриши, Господи, Господи, кто постоит; яко у Тебе очищение есть.

Глас 4. Ярости царя богомерзкаго и христоненавистнаго/ никакоже убоявся, премудре Михайле,/ ни ослабел еси щадения ради живота,/ ни желанием царства,/ егоже самовольне оставил еси,/ но Христа Единого Бога исповедал еси:/ Тому Единому от души поклоняюся, рекл еси,/ и сладце умру за Умершаго мене ради./ Егоже моли, страстотерпче Михайле,/ со страдавшим с тобою Феодором боярином,/ спасти вас почитающия.

Стух: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Пощади юность твою, мучитель рече,/ и поклонися мною желаемому богу, солнцу же и огню,/ да со мною царствуеши./ Ты же, мучениче, рекл еси:/ да не будет мне, о пребеззаконниче, Христа отрещися/ и ложным богом твоим поклонится./ Что бо мне тобою претимая мука/ или настоящее житие/ противу будущего Царствия?/ Егоже получитьи моли, премудре Михайле с доблим Феодором боярином,/ любовью вас непрестанно почитающим.

Стух: От стражи утренния до нощи, от стражи утренния, да уповает Израиль на Господа.

Царь богомерзкий и весьма отчужденный Бога/ покушашеся лестию, Михайле,/ вас отвратить от веры сущия во Христа/ и ласкаными своими увещати тцашеся./ Глаголаше бо:/ аще

поклóнитеся со мно́ю превожделённому моему́ бо́гу,/ сла́вы ми́ра сего́ со мно́ю насладитёся./ Но надё́жди погрешíв,/ и в дéлех рук сво́их увязé грéшник./ Молíтвами, Христé, Тво́их угóдник/ тако́ваго безчеловéчия избáви ду́ши нáша,/ я́ко Едíн Милосéрд и Человеколю́бец.

Стíх: Я́ко у Го́спода мíлость, и мно́гое у Него́ избавлéние, и То́й избáвит Изра́иля от всéх беззакóний его́.

Глас 2. Претерпéсте мучéния болéзни,/ проли́ясте кровь, я́ко во́ду,/ тем во страстéх сво́их мног плод принесóсте,/ о пречúдне Миха́иле и премúдре Феóдоре!! Христóвы за́поведи соблюда́юще/ и тéми утвержда́ющесея,/ учéными наста́вника своегó,/ змíя злоначáльнаго попра́сте/ и побéдными венцы́ увязóстесея/ от Христá, Бо́га и Спа́са душ нáших.

Стíх: Хвалíte Го́спода всú язýцы, похвалíte Его́ всú лю́дие.

Сóлнца свéтлаго, Миха́ила, похва́лим,/ и лучú светлосóлнечную, Феóдора, почтíм,/ светíльника пресвéтлая, сия́юща заря́ми, óба крепкодúшна,/ закóнную véру пра́вяща,/ я́ко доброхра́бра пострада́ста,/ пéрвым мучеником подóбящесея, глаго́лаху:/ не поклонíмся твáри пáче Творца́,/ но, ма́ло претерпéвше,/ венцы́ свéтлыя при́йдем/ от Христá, Бо́га и Спа́са душ нáших.

Стíх: Я́ко утвердúся мíлость Его́ на нас, и úстина Господня пребывáет во вéк.

Коегóждо смотре́юще, Миха́иле,/ устраша́ющихся мук,/ и идúщих сквозé огонь, и поклоня́ющихся сóлнцу,/ к себé глаго́ласте:/ лúчше нам есть, Феóдоре, не итí сквозé огонь,/ ни поклонíтися дéмоном сла́вы ráди тлénныя,/ да вéчнаго живота́ причáстницы бúдем/ с пострада́вшими Христá ráди/ и с нíми насладíмся вéчных благ/ от Христá, Бо́га и Спа́са душ нáших.

Сла́ва, глас 6: А́ще и тьма́ми благ земнýх обеща́ешися/ дáти ми и ца́рствие тлénное,/ е́же и сам помáле и не хотя́ оста́виши,/ страда́льче, рекл есí,/ ника́коже Христá отметáюся,/ но Едíнаго Того́ Творца́ Небесé и землí исповéдую/ и несомнénно véрую./ Егóже моли́, страда́льцев похвалé Миха́иле/ с дóблим Феóдором боля́рином/ спастíся душáм любóвию вас почита́ющих.

И ныне, праздника: Днесь Древо явися,/ днесь род еврейский погйбе,/ днесь верными царй вера является,/ и Адам древа ради испадет,/ и паки Древом демони вострепеташа:/ Всесильне Господи, слава Тебе.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №3

Паримии:

Пророчества Исаиина чтение (глава 43):

Тако глаголет Господь:/ вси языцы собршася вкупе, и соберутся князи от них./ Кто возвестит сия в них?/ Или яже от начала, кто слышана сотворит вам?/ Да приведут свидетели своя, и оправдятся,/ и да услышат, и да рекут истину./ Будите Ми свидетели, и Аз Свидетель, глаголет Господь Бог,/ и отрок, Егоже избрах./ Да познаете, и веруете Ми, и разумеете, яко Аз есмь,/ прежде Мене не бысть ин бог и по Мне не будет./ Аз есмь Бог, и несть разве Мене спасаая./ Аз возвестих и спасох; уничижих, и не бе в вас чуждий./ Вы Мне свидетели, и Аз Господь Бог,/ и еще от начала Аз есмь, и несть от рук Моих избавляя./ Сотворю, и кто отвратит то?/ Сиче глаголет Господь Бог, избавляя вас, Святыи Израилев.

Премудрости Соломоновы чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети, и вменися озлобление исход их./ И еже от нас шествие сокрушение, они же суть в мире./ Ибо пред лицом человеческим аще и муку примут, упование их безсмертия исполнено./ И в мале наказани бывше, великими благодетельствовани будут,/ яко Бог искуси я и обрете их достойны Себе./ яко злато в горняле, искуся их и, яко всеплодие жертвенное, прият я./ И во время посещения их возсияют и, яко искры по стевлю, потекут./ Судят языком и обладают людми, и воцарятся Господь в них во веки./ Надющийся Нан разумют истину, и вернии в любви пребудут Ему./ Яко благодать и милость в преподобных Его, и посещение во избранных Его.

Премудрости Соломоновы чтение (глава 4):

Праведник, аще постигнет скончаться, в покои будет./ Старость бо честна не многолетна, ниже в числе лет исчитается./ Седина же есть мудрость человеком, и возраст старости житие нескверное./ Благоугоден Бóгови быв, возлюблен бысть, и живый посреде грешник преставлен бысть./ Восхищен бысть, да не злоба изменит разума его, или лесь прельстит душу его./ Рачение бо злобы помрачает добрая, и парение похоти пременяет ум незлобив./ Скончався в мале, исполни лета долга. Угодна бо бе Господеви душа его, сего ради потщася от среды лукавствия./ Людие же видевше и не разумевше, ниже положше в помышлении таковое./ Яко благодать и милость в преподобных Его, и посещение во избранных Его.

<далее см. основной Чин>

[Изменяемое №5](#)

По полиелее седален *глас 4:*

Иже Ангелов равночестны венцы от Христа приясте,/ за Негоже пострадасте, Михайле богомудре и Феодоре предивне,/ мир миру испросите и душам нашим велию милость.

Слава, и ныне, праздника.

[Изменяемое №6](#)

Степенна, 1-й антифон 4-го гласа.

Прокимен *глас 4:* Возваша праведниц,/ и Господь услыша их. *Стих:*

Многи скорби праведным, и от всех их избавит я Господь.

<далее см. основной Чин>

[Изменяемое №7](#)

По 50-м псалме стихира *глас 8:*

Власть земную/ и царство дольнее оставив,/ потщался еси прийти к Царю Вседержителю, Христу Бóгу,/ всехвальне Михайле/ с Феодором мудрым, пострадавшим с тобою,/ и покоя доидосте Небеснаго,/ и ныне почиваете у праотца Авраама./ Тем о нас молитесь ко Царю, Владыце нашему,/ яко да милостив будет нам в день страшнаго Его Пришествия, вашу творящим пресветлую память.

<далее см. основной Чин>

[Изменяемое №8](#)

Канон святых *глас 4.*

Песнь 1

Ирмос: Моря чермную пучину/ невлажными стопами/ древний пешешествовав
Израиль,/ крестообразными Моисеевыми руками/ Амалікову силу в пустыни
победил есть.

Твоими молитвами, страстотерпче Михайле,/ благодать мне и
просвещение с Небес даруй,/ яко да возмогу похвалити доблести и
страдания твоя.

Божественным желанием разжигаемь, Михайле святе с Феодором
болярином,/ паки к вашему Отечеству возвращаетесь,/ идеже
мучения венцы от десницы Вышняго приясте;/ изрядно поминайте
вас почитающих.

Царствия вечнующаго и никакоже мимотекущаго воспомяя
наслаждение, святе,/ царство земное преобидев, и вместо скиптра
крест взял еси,/ и самозван к подвигом устремился еси,/ купно со
страдавшим с тобою Феодором болярином.

Богородичен: Святых Святейшая была еси, Дево Чистая,/ святых
Святаго на руку Христа носивши,/ Божественною силою тварь
содержащаго.

Ин канон святых глас 8.

Песнь 1

Ирмос: Воду прошед, яко сушу,/ и египетскаго зла избежав,/ израильтянин
вопяше:/ Избавителю и Богу нашему поим.

Посли мне, Господи, оставление многих моих согрешений/ и слово
мне даруй,/ да с радостью возмогу похвалити Тя,/ прославльшаго
святых Твоя мученики.

Песнь возснем, благочестивии,/ целомудренным смыслом/
Михайла славнаго и Феодора благочестиваго,/ купно оба, славяще.

Благородства дар от Бога прием,/ благочестие душевное
возлюбив,/ паче же и целомудрие,/ и добродетельми удобряясь,
Михайле.

Богородичен: Прокляся смерть Тобю/ и адово жало притупися,
Мати Чистая,/ Ты бо Безсмертнаго Владыку/ плотию миру родила
еси.

Песнь 3

Ирмос: Веселится о Тебе Церковь Твоя, Христэ, зовущи:/ Ты моя крепость, Господи, / и прибежище, и утверждение.

Яряся, зверь нечестивый убить вас повелевает,/ сего скверным повелением повинуться не хотящих,/ и твари паче Творца не послужите, но Христу вопиайте: свят еси, Господи.

Любовию твоего Владыки снедаемь быв, Михайле, купно с Феодором боярином,/ ничтоже земного вмените и Того желанием мучения чашу испите усердно,/ Христу вопиюще: свят еси, Господи.

Самозван от дальних стран отечество твоё пришед посетити/ и злоименитаго царя богоборную прелесть обличити,/ от негоже пострадав, жертва Богу принесся еси.

Богородичен: Возставила еси, Чистая,/ паки падший мой образ,/ рождающая Виновнаго паче естественнаго Воскресения.

Ин

Ирмос: Ты еси утверждение/ притекающих к Тебе, Господи,/ Ты еси Свет омраченных,/ и поёт Тя дух мой.

Всю мысль вашу ко Христу, мудрии, возложите/ и, яко братнею совокупльшеся любовию,/ благочестно скончаете течение.

Многолетни убо телом, душами же совершени, святии,/ яко благочестивии оба,/ Бога возлюбили есте и идолом не поклонитесь.

Славу возненавидесте мимотекущую и тленную/ и добродетельни явитесь сосуди, славнии, в житий вашем.

Богородичен: Тя вси мамы прибежище и стену нашу, христиане,/ и Тя славим немолчно, Мати Безневестная.

Кондак и икос праздника.

Седален святых, глас 1: Камене твердо явитесь/ и непреборими бысте мучителей прещением,/ Михайле славне и Феодоре премудре./ Сего ради россиясти собори вопиют радостно:/ слава Укрепльшему вы,/ слава Венчавшему вы,/ слава Просвещшему вами весь мир.

Слава, и ныне, праздника, глас 8:

Прообража́ше та́инственно дре́вле Иису́с Нави́н Креста́ о́браз,/ егда́ ру́це простре́ крестови́дно, Спа́се мой,/ и ста со́лнце, до́ндеже враги́ низложи́, противостоя́щая Тебе́, Бо́гу;/ ны́не бо за́йде, на Кресте́ Тя зря,/ и, держа́ву сме́ртную разруши́в,/ весь мир совоздв́игл еси́.

Ин: В ра́й мя пре́жде дре́во обнажи́ вкуше́нием, врага́ внес ме́ртвость,/ Дре́во же крестное, животу́ одея́ние челове́ком нося́,/ водрузи́ся на земли́, и мир весь испо́лнится вся́кия ра́дости./ Его́же зря́ще возноси́ма,/ Бо́гу ве́рою, лю́дие, согла́сно зове́м:/ испо́лнь сла́вы храм Твой.

Песнь 4

Ирмо́с: Вознесе́на Тя ви́девши Це́рковь на Кресте́,/ Со́лнце Пра́ведное,/ ста в чи́не своём,/ досто́йно взыва́ющи:/ сла́ва си́ле Твое́й, Го́споди.

Богоме́рзкаго и злочести́ваго царя́ непра́ведна/ и лука́внейша па́че всея́ земли́ безбо́жную ве́ру укори́сте,/ и, лю́таго де́мона обличи́вше прелесть,/ я́ко а́гнцы, за Христа́ заклáни бы́сте,/ и, я́ко со́лнце, по кончи́не просия́ли есте́.

Усты́ свётлыми вити́йствуя,/ испове́дал еси́ благоче́стно Еди́наго Бо́га, Миха́йле, с пострада́вшим с тобо́ю Феодо́ром;/ и сего́ ра́ди злочести́вый царь, не терпя́,/ повелева́ет уби́ти вас, на са́мей кончи́не Христа́ испове́дающия.

О я́рости царя́ злочести́ваго и непра́веднаго уби́ения!/ О терпе́ния непобеди́мых страда́лец!/ Иже по ве́ре до́бре подв́игшеся, Христу́ вопия́ху:/ сла́ва си́ле Твое́й, Го́споди.

Богоро́дичен: Неискусобра́чно родила́ еси́, о Де́во,/ и по Рожде́ствé яви́лася еси́ де́вствующи па́ки./ Тем немóлчными гла́сы: ра́дуйся, Тебе́, Влады́чице,/ ве́рою несомне́нною вопие́м.

Ин

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твое́ Божество́.

В немра́чном зерца́ле,/ Божество́нных умо́в си́лою Бо́жиею укрепи́вшеся,/ я́ко со́лнце просвети́стеся, Миха́йле с Феодо́ром.

Мрачным не принесёте жертвы демоном, мученицы непобедими,/ Светодавца же Бога возлюбите,/ по благочестию изволивше смерть.

Исцелите, прехвальнии, души моея болезни,/ Христу Богу молящися,/ и утишите молитвами вашими души моея мятёж.

Богородичен: Богу, Егоже родила еси, Пречистая Марие,/ Тому помолися,/ еже рабом Твоим подати прегрешений оставление.

Песнь 5

Ирмос: Ты, Господи, мой свет,/ в мир пришёл еси,/ Свет Святыи, обращающий из мрачна неведения/ верою воспеваяущия Тя.

Дивлюся, о царю, твоему безумию и суетному глаголу,/ исповедниче Михайле, рекл еси, и с благородным Феодором:/ твои паче Творца никакоже да будет нам поклоняться,/ она бо человека ради сотворена есть.

Злочестивый он законопреступный Доман, иже पहले веры христианския отвергся,/ не терпя твоего исповедания, зле огорчился,/ ножом отрезует главу твою честную,/ исповедниче Христов Михайле.

Аще честная святая телеса ваша и небрегома пребыша/ от кровоядец оных, повержена псом на снадение,/ но Бог соблюдале оная/ и столпом огненным осияваше, пресветлыми зарями.

Богородичен: Бог в Тя, Богомати, вселися,/ человека назидая,/ во тлю падшаго прелестию змия.

Ин

Ирмос: Утренююще, вопиём Ти:/ Господи, спаси ны,/ Ты бо еси Бог наш,/ разве Тебя иного не ведем.

Паче живота за Христа пострадати изволисте,/ мучениче Михайле с блаженным Феодором,/ и с Ним царствуете присно.

Помышляше мучитель увещати вас,/ прельстити хотя тленною славою,/ но, Божию силою укрепившися, посрамите его.

Даруйте просвещение и мир, прехвальнии, миру/ и разрешите молитвами вашими грехопадения наша.

Богородичен: Деву по Рождестве поём Тя, Богородице,/ Ты бо Божие Слово плотию миру родила еси.

Песнь 6

Ирмос: Пожру́ Ти со гла́сом хвалéния, Гóсподи,/ Цéрковь вопиéт Ти,/ от бесóвския крóве очúщшися,/ рáди мýлости от ребр Твоúх/ истéкшею Крóвию.

Недовóлен злочестíвый быв мучíтель о убиéнии благочестíваго Михаíла,/ покушáшеся и страдáльца Феóдора лéстию увещáти:/ áще бо, речé, богóм мо́им поклóнишися, со мно́ю во слáве бúдеши/ и имéнию господíна твоегó наследник бúдеши.

Мне да не бúдет, о царю́ пребеззакóнне,/ Христá отрещíся и лóжным тво́им богóм поклонíтися,/ мне бо éже жíти Христóс/ и éже умрéти за Него́ приобретение.

От юности житиé твоé чíсто явíся/ Пресвятóго Дúха даровáнием, Феóдоре,/ посреде́ бо злочестíвых мучíтелей тво́емú господíну побóрник был есú/ и с ним на Небесáх прíсно веселíшися.

Богорóдичен: Изли́я пёрвее яд во úши Ёвины змий вселука́вый,/ Ты же сегó едíна оттряслá есú, Богомáти,/ Истребíтеля семú рóждши.

Ин

Ирмос: Очи́сти мя, Спа́се,/ мно́га бо беззакóния моя́,/ и из глубины́ зол возведú, молю́ся,/ к Тебе́ бо возопúх, и услы́ши мя,/ Бóже спасéния моего́.

Тьма нареко́шася сынове́ Ага́рины,/ молéния к Бóгу вам принося́щим,/ ножéм главы́ ва́ша отрéзаша,/ ходáтаи венцéм ва́шим, Михаíле, Божéственным бýвше.

Победíли естé мучíтелеву горды́ню, преблажéннии:/ тогó рáди псом на снeды/ пометáема бýша телесá ва́ша,/ но сохранéна бýша Бóжиею благодáтию неврédна.

Единогла́сно, сошeдшеся, воспойм/ пáмять благочестíваго князя, в Росси́и возсия́вшаго:/ рáдуйся, глаго́люще, обра́дованный от Гóспода,/ Егóже непрестáнно моли́ от тли избáвити жизнь на́шу.

Богорóдичен: Уясня́ют прорóчести гла́си Бóжию Родíтельницу,/ поём же Тя и мы и мо́лим,/ вíдяще сбытиé честнóх прорицáний,/ Бóга бо íстинно и чистоты́ вместíлище была́ есú.

Конда́к, глас 8: Цáрство земно́е в ничто́же вмени́в,/ слáву, я́ко преходя́щую, оста́вил есú,/ самозва́н пришeд к подвиго́м,/ Трóицу проповéдал есú пред нечестíвым мучíтелем,/ страсотeрпче

Михаїле с дѡблїм Феѡдором,/ Царю Сил предстояще,/ молїте без вреда сохранїти Отѣчество ваше, град же и люді,/ да вас непрестанно почитаем.

Їкос: Кто пѡдвїги ваша и болѣзни возмѡжет извещати, страсотѣрпцы,/ яже мѡжески претерпѣсте за веру Господню?/ И дарованїй, ихже сподѡбистесь, не довлѣют уста человѣческая исповѣдати./ Премѡдростию бо украшени и мѡжеством,/ богатство и славу привременную возненавидесте,/ Михаїле славный, и с пострадавшим с тобою дѣвным Феѡдором,/ с ним не разлучїстесь на земли и на Небесї./ Тем молїте без вреда сохранїти Отѣчество ваше, град же и люді,/ да вас непрестанно почитаем.

Ин кондак, глас 2: Верою укрепльшесь, святїи, мучѣния претерпѣсте/ и кровью своїми погасїте пламень сопротивных безбожїя,/ Христа же исповѣдасте, с Отцом и Духом,/ Михаїле и Феѡдоре, Его молїте за всех нас.

Ин кондак, глас 2: Вышних їщущє, нїжня оставили естє,/ колесницу на Небеса кровь свою сотворїли естє,/ тем собесѣдницы первомучеником бѣистє,/ Михаїле и Феѡдоре,/ с нимиже Христа Бога моляще непрестанно за вся ны.

Ин кондак, глас 3: Яко светила, в Русї возсиявше,/ мучѣния лучами славными отразїстє,/ страсотѣрпцы славнии, Михаїле и Феѡдоре,/ тем вопїястє:/ ничтѡже нас отлучїт от любвѣ Христовы.

Песнь 7

Ирмос: В пещї авраамстїи ѡтроцы персїдстей,/ любовью благочестїя паче,/ нежели пламенем, опаляеми, зываху:/ благословѣн еси в храмѣ славы Твоея, Господи.

Ни любвї сопрѡжницы, ни чад разлучѣнїю внимал еси,/ но сїя вся в рѡки предав Божїя,/ яко Творца и Промысленника всех, вопїял еси:/ благословѣн Бог отец наших.

Поревновав мѡжеству прѣжде бѣвших мучеников,/ тех блаженство и славу получил еси,/ достохвально Михаїле, купно с Феѡдором, вопїюще:/ благословѣн Бог отец наших.

Богорóдичен: Вѣшняго освященное Божественное селение,
радуйся,/ Тобою бо дадеся радость, Богородице, зовущим:/
благословенна Ты в женах еси, Всенепорочная Владычице.

Ин

Ирмос: *От Иудеи дошедше, отроцы/ в Вавилоне иногда/ верою трóическою
пламень пещный попраша, поюще:/ отцев Бóже, благословен еси.*

Приидите, россиясти собори,/ богоизбранное стадо днесь
воспойм пѣсньми,/ похваляюще мученики Христовы, Михайла с
Феодором, благочестно поюще:/ отцев наших Бóже, благословен
еси.

Оставил еси земное царство и любве жены отвратился еси/ и
детей ласкания, мучениче Михайле,/ взирая на высоту к Творцу
твоему, вопиял еси:/ отцев наших Бóже, благословен еси.

Бóинством духовным препоясавшися, Михайле всечестне и
Феодоре прехвальне,/ земное богатство оставльше,/ на Небесех
победныя венцы от Христа приясте, зовуще: / отцев наших Бóже,
благословен еси.

Богорóдичен: Чертог Тя, Пречистая, Слова воплощения/ и престол и
ложницу правомудрствующе именуем/ и веселящися пойм:/ отцев и
нас Бóже, благословен еси.

Песнь 8

Ирмос: *Руце распростер, Даниил/ львов зияния в рове затче;/ огненную же силу
угасиша,/ добродетелию препоясавшися,/ благочестия рачители, отроцы,
взывающе:/ благословите, вся дела Господня, Господа.*

Взирал еси на воздаяния, сущая на Небесех, всечестне,/ яже
любящим Христос предуготова/ и вопиющим Ему от души:/
благословите, вся дела Господня, Господа.

Божественная мученик страдания воистину превзыдоша
похваления,/ паче слова и помышления,/ яко тленным телом
безплотныя враги победиша, вопиюще:/ благословите, вся дела
Господня, Господа.

Непоколебимь в подвизех пребыл еси,/ паче же нечестивых
сердца поколебал еси, видевших тя непрелонна,/ святе Михайле,

кўпно с Феодором вопиўща:/ благословите, вся дела Господня, Господа.

Богородичен: Таинство странно, истинно, под солнцем едина показала еси,/ Бога бо родила еси, Чистая,/ Невидимаго и Безначальнаго, Невместимаго, всем Непостижимаго, Емуже вопием:/ благословите, вся дела Господня, Господа.

Ин

Ирмос: Седмерицею пещь/ халдейский мучитель/ богочестивым неустовно разжже,/ силою же лучшею спасены сия видеви,/ Творцу и Избавителю вопияше:/ отроцы, благословите,/ священницы, воспойте,/ людие, возносите во вся веки.

Не насытишася крове ваша погани,/ но и главы ваша ножом отрезаша,/ не устыдившася, Михайле, Богородица и воспитанных во благочестии,/ но благодать Божия храняше вас чрез Ангела./ Тем с Феодором ликуети, вопия:/ дети, благословите, священницы, воспойте,/ людие, возносите Его во веки.

Прославляя святых Своих мученики, Господь/ столп огнен яви над телесы их, яже сияюще нощию./ Того видевшии к друг другу глаголаху: что сие преславное видение?/ И проповедаша всем Христа, сохраняшаго Своих угодники, вопиюще:/ дети, благословите, священницы, воспойте,/ людие, возносите Его во веки.

Прославляем Тя, отче и Сыне и Святой Душе, со Ангелы зовуще трисвятими гласы, Трисолнечное Божество:/ прими за ны молящую Тя святую двоицу, Михаила с Феодором,/ поющую Тебе непрестанно:/ дети, благословите, священницы, воспойте,/ людие, возносите Его во веки.

Богородичен: Света сосуд явившися, Чистая, просвети мя/ и в повелении Света ходити ми поспеши, Чистая,/ от чрева Твоего возсиявша, просветивша верных сердца, поющих:/ дети, благословите, священницы, воспойте,/ людие, возносите Его во веки.

[Песнь Богородицы:](#) Величит душа моя Господа: *<см. основной Чин>*

Песнь 9

Ирмос: Камень неруко́сечный/ от несекóмыя горы́, Тебé, Дéво,/ краеуго́льный
отсечéся,/ Христóс, совокуп́вши разстоя́щаяся естество́./ Тем веселя́щися, Тя,
Богороди́це, велича́ем.

Приидíte, чы́стым сёрдцем и трéзвою со́вестию/ великомученика
Миха́ила с советником крѣпким Фе́одором/ паче злата́ светя́щаяся
зря́ще, велича́ем.

Свѣтлая ва́ша, пребогáтии, побѣдная храбóрствия на врагí/ вíдев
Всеvíдящее óко, пóдвиги ва́ша/ венцы́ одолéния венча́ет Спас душ
на́ших.

Во́инства А́нгелов удивíшася,/ мучеников же л́ицы и прáведных
собóри соглáсно похвали́ша Христá,/ таковóе терпéние вам
дарова́вшего.

Непобедíмая честна́я мученик двóица, на Небесéх живúщи,/ певцы́
сво́я поминáй, соверша́ющих во хвалéнии священна́я ва́ша
страдáния,/ вас непрестáнно велича́ющих.

Богородичен: Земля́ изба́вися от кля́твы дрéвний Рождество́м
Тво́им./ Тёмже Тя, Богороди́тельнице, велича́ем.

Ин

Ирмос: Ужасéся о сем Не́бо,/ и землú удивíшася концы́,/ я́ко Бог яв́ися челове́ком
плóтски,/ и чрэво Твоé бы́сть простра́ннейшее Небéс./ Тем Тя, Богороди́цу,/ А́нгелов и человекó чинонача́лия велича́ют.

Положéни бы́сте на земл́и, я́ко мёртвии, но в Небéсная
пресел́истесь./ Тем дерзновéния испóлнитесь, сла́внии,/ врагú
поганóму восхотéвшу поругáтися телесéм ва́шим,/ но страхом
Госпóдним отгна́сте, блажéннии.

Торжество́ úбо Миха́ила паче со́лнца просвет́ися во всех страна́х,/ и
Фе́одора предóбляго,/ Церквёй украшéние страдáния ва́ша,
мучеников сла́ва,/ и архиерее́в похвалá, и христиáн утверждéние.

Шу́яго мя стоя́ния изба́ви на Судé, о Трóице Святáя,/ и облегчи́ ми
страстéй волнéния,/ и к пристáнищу непотоплéна приведи́ мя,
моли́твами святýх мученик,/ да Тя непрестáнно велича́ем.

Богородичен: О, чудесé, пребо́льша ума́! / Чúдо вéлие йстинно и
пресла́вно,/ ка́ко вмест́ися во утрóбу Твою́ Бог, ника́коже
вмест́имый?/ Егóже о хва́лящих Тя умоли́, Дéво,/ от бед избавля́ющи
и от беззакóнных врагó всегда́.

Светілен:

Да просла́вим вси Бóга,/ просла́вльшаго святы́я Свой
великомученики,/ Миха́ила кúпно с Феóдором,/ тѣи бо постра́даша за
Христá, и венцы́ от Него́ прияша,/ и ны́не, в вѣшних предстояще, о
мѣре мо́лятся.

Сла́ва, и ны́не, пра́здника. <далее см. основной Чин>

Изменяемое №10

На стихóвне стихіры глас 2:

Кѣими му́дрыми словесы́/ ублажѣм Христóва страдальца,/
непобедѣма крѣпостию, Миха́ила, твёрдаго душо́ю,/ страны́ нашея
украше́ние и всея́ земли́ просвеще́ние,/ и Феóдора, советника
блага́го по благоче́стию?/ Имже досто́йную сла́ву дарова́ Христос,
Бог наш,/ имѣяй ве́лию мѣлость.

Стих: Воззва́ша пра́веднии,/ и Господь услы́ша их.

Кѣими, смире́ннии, устна́ми/ восхва́лим целому́дренный
великомученики,/ Миха́ила с Феóдором,/ оста́вльшия земна́я и
последова́вша Христу́?/ Ов у́бо муче́ния страда́нием,/ ов же
кро́вию зе́млю освяща́ют/ и не престаю́т моля́ще Христá/ дарова́ти
нам ве́лию мѣлость.

Стих: Мно́ги скорби́ пра́ведным,/ и от всех их изба́вит я Господь.

Кѣими, земни́и, устна́ми/ возвели́чим многопѣтаго Миха́ила
крѣпкаго/ и Феóдора до́блественнаго,/ положи́вших ду́ши заповеди
ра́ди Божѣственныя?/ Ов бо сме́рти подо́бся Влады́чней,/ ов же
ре́вностию разгара́ясь,/ ихже венча́ Христос, Бог наш,/ имѣяй ве́лию
мѣлость.

Сла́ва, глас 8: Добро́тою по́двиг свои́х украсѣвшеся/ и от кровей
свои́х одея́ние нося́ще, святѣи,/ те́мже я́ко пресвѣтлая свети́ла/ в
мѣре явльшеся Ду́ха благода́тию,/ просвеща́юще оте́чество ва́ше,/
благочестѣвыя и княжеския о́трасли,/ страсотѣрпче и испове́днице
Христóв Миха́иле,/ кúпно с Феóдором,/ пред лицѣм Господним с
мученики всегда́ предстояще,/ мо́лите спасти́ся душáм на́шим,/
любо́вию благоче́стно соверша́ющих па́мять ва́шу.

И ныне, праздника: Глас пророка Твоего Моисея, Бóже,/ исполнися, глаголяй:/ узрите Живот ваш, висящ пред очесы вашими./ Днесь Крест воздвизается,/ и мир от лести освобождается,/ днесь Христово Воскресение обновляется,/ и концы земли радуются,/ в кимвалех давидски песнь Тебе приносяще и глаголюще:/ соделал еси спасение посреде земли, Бóже,/ Крест и Воскресение,/ ихже ради нас спасл еси, Блаже и Человеколюбче,/ Всесильне Господи, слава Тебе.

<далее см. основной Чин>

Утром 3 октября

Изменяемое №11

По 1-м стихословии седальны глас 7:

Церковь вопиет Ти, Христэ Бóже,/ в певке и кедре и кипарисе, поклоняющихся Тебе:/ победы людем Твоим Богородицею даруяй, помилуй нас.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны глас 4:

Крест Твой, Господи, яко свет сияя,/ темная ополчения отгоняет/ и верный просвещает, поющая:/ Крест есть миру похвала.

Слава, и ныне, Богородичен: <далее см. основной Чин>

Изменяемое №13

Тропарь глас 4:

Жизнь вашу мученически совершивше,/ исповедания венцы украсившися, к Небесным востекосте,/ Михайле премудре с доблим Феодором,/ молитесь Христа Бóга/ сохранить отечество ваше,/ град же и люди,/ по велицей Его милости.

Ин тропарь, глас 3:

Блаженнии апостолом равночестнии,/ прияли есте венец от Христа,/ занеже того достойни,/ Михайле богомудре и Феодоре дивне,/ мир миру испросите/ и душам нашим велию милость.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Его.

Стих: Хвалите Бога во святых Его,/ хвалите Его во утвержении силы Его.

Стіх: Хвалі́те Егѡ на сі́лах Егѡ,/ хвалі́те Егѡ по мно́жеству велі́чества Егѡ.

Глас 4. Дал есі зна́мение/ Цѣркви Твоѣй, Христе́, великомученик,/ Михаі́ла купно и до́бляго Феодора,/ Тя возлюбівших,/ всі́ми Владу́щаго,/ чі́стым се́рдцем и душо́ю соверше́нною,/ обоі́х побѡрников ве́ры/ и исто́чник чудес,/ сокруші́вших де́монская ополче́ния.

Стіх: Хвалі́те Егѡ во гла́се тру́бнем,/ хвалі́те Егѡ во псалтíри и гу́слех.

Дал есі зна́мение/ Цѣркви Твоѣй, Христе́, великомученик,/ Михаі́ла купно и до́бляго Феодора,/ Тя возлюбівших,/ всі́ми Владу́щаго,/ чі́стым се́рдцем и душо́ю соверше́нною,/ обоі́х побѡрников ве́ры/ и исто́чник чудес,/ сокруші́вших де́монская ополче́ния.

Стіх: Хвалі́те Егѡ в тимпа́не и ли́це,/ хвалі́те Егѡ во стру́нах и орга́не.

От ко́рене израсл есі честна́го,/ Михаі́ле благоро́дне,/ і́стину возлюбів,/ и нетле́нный Христо́в изво́лил есі живо́т/ и Ца́рство неруші́мо,/ с Феодором дівным зако́нно пострада́вше,/ и венцы́ от Него́ побѣды прия́сте,/ мученицы святы́и/ и моли́твенницы о душа́х на́ших.

Стіх: Хвалі́те Егѡ в кимва́лех доброгласных, хвалі́те Егѡ в кимва́лех восклицáния./ Вся́кое дыха́ние да хва́лит Го́спода.

За́поведи учи́теля ва́шего соблю́дше,/ не повелѣ́ваго вам де́моном поклоні́тися,/ Христо́в испо́лните зако́н/ и Того́ повелѣ́ния:/ земну́ю сла́ву в ничто́же вмени́сте,/ небре́гше повелѣ́ния царѣ́ва,/ тва́ри повелева́ющаго поклоні́тися./ Михаі́ле, похвалѣ́ россійская, с Феодором сла́вным,/ моли́теся о душа́х на́ших.

Сла́ва, глас 8: Да веселі́тся ра́достью все челове́чество днесь,/ и да лику́ют новоизбра́ннии лю́дие,/ похваля́юще страсотѣрпца вели́каго кня́зя Михаі́ла,/ купно с боля́рином егѡ, до́блим Феодором,/ к ні́м сі́це глаго́люще:/ раду́йтесь, јако Христа́ испове́дасте,/ диа́вола же обличі́сте;/ раду́йтесь, јако мучі́теля безбо́жнаго посрамі́сте;/ раду́йтесь, јако вку́пе пострада́сте/ и вку́пе Трѡ́ице предстои́те,/ моля́щися всегда́ спасти́ся душа́м на́шим.

И ны́не, Богоро́дичен: <см. основной Чин>

[Изменяемое №15](#)

[Конда́к глас 8:](#)

Царство земное в ничтоже вменив,/ славу, яко преходящую,
оставил еси,/ самозван пришед к подвигом,/ Троицу проповедал еси
пред нечестивым мучителем,/ страстотерпче Михайле с доблим
Феодором,/ Царю Сил предстояще,/ молитесь без вреда сохранити
Отечество ваше, град же и люди,/ да вас непрестанно почитаем.

Ин кондак, глас 2:

Верую укрепляеся, святии, мучения претерпесте/ и кровью
своими погасите пламень сопротивных безбожия,/ Христа же
исповедаете, с Отцом и Духом,/ Михайле и Феодоре, Его молитесь за
всех нас.

Ин кондак, глас 2:

Вышних ищущи, нижняя оставили есте,/ колесницу на Небеса
кровь свою сотворили есте,/ тем собеседницы первомучеником
бысте,/ Михайле и Феодоре,/ с нимиже Христа Бога моляще
непрестанно за вся ны.

Ин кондак, глас 3:

Яко светила, в Руси возсиявше,/ мучения лучами славными
отразите,/ страстотерпцы славы, Михайле и Феодоре,/ тем
вопийте:/ ничтоже нас отлучит от любви Христовы.

<далее см. основной Чин>

На Литургии

Изменяемое №20

Прокимен, глас 4: Святим, иже суть на земли Его,/ удиви Господь вся
хотения Своя в них. *Стих:* Предзрех Господа предо мною выну, яко
одесную мене есть, да не подвижуся.

Изменяемое №21

Аллилуиа, глас 6: Возваша праведнии, и Господь услыша их. *Стих:*
Многи скорби праведным, и от всех их избавит я Господь.

Изменяемое №22

Причастен: Радуйтесь, праведнии, о Господе: